




Broj:02-05-349/17

Sarajevo, 18.12.2017.godine,



**Predmet: Odgovor na inicijativu**

**veza Vaš broj:01-GV-02-1867-2/17**

Poštovani,

shodno Vašem dopisu broj:01-GV-02-1867/17 od 29.11.2017.godine, po pitanju razmatranja mogućnosti za utvrđivanje radnog vremena prilagođenog turistima, informišemo Vas sljedeće:

- JP Sarajevo d.o.o. je već prilagodio radno vrijeme objekta Vijećnica turistima i to tako da je u toku ljetnog perioda Vijećnica radi svaki dan od 10:00 do 22:00 sata, a u toku zimskog perioda objekat je otvoren svaki dan od 09:00 do 18:00 sati.

Ovo radno vrijeme je određeno nakon analize broja posjeta i potrebnih resursa<sup>1</sup>.

Po pitanju opravdanosti visine cijene ulaznica potrebno je naglasiti sljedeće:

- Nadzorni odbor je donio na prijedlog Uprave preduzeća aktuelni cjenovnik karata, a on uključuje obilazak unutrašnjosti objekta (aule, prvog sprata i suterena gdje se nalazi muzejski prostor) i razgledanje svih izložbi i postavki koje se u tom trenutku nalaze u Vijećnici. Cijene za obilazak Vijećnice se kreću od **3 do 10 KM**.

Tako posjetioci trenutno u Vijećnici mogu pogledati izložbu slika "Apokalipsa", akademskog slikara Džeke Hodžića, te stalne postavke izložbu „Sarajevo 1914 – 2014“; i izložbu „Vijećnica još jednom“, „25. Novembar – Dan državnosti“, „Franz & Sophie sobu“; „Soba savremenika“ itd. Neke od izložbi koje su posjetioci imali priliku pogledati su: Prva posthumna retrospektivna izložba slika Mersada Berbera "Mersad Berber-Alegorija Bosne"; „Humanost prije svega – Odgovor pokreta Crvenog križa/krsta i Crvenog polumjeseca na situaciju u Siriji i Balkanu“ u saradnji sa Crvenim križem FBiH; „Dani kulture Istanbula“ koja je realizovana u saradnji sa Gradskim upravama Sarajeva i Istanbula itd.

Poslovna opravdanost odluke o izmjenama cijena ulaznica, pored bogatog sadržaja, vidi se i kroz sljedeće. U periodu od 01.01. do 30.06.2017. smo imali ukupno prodatih 17.539 ulaznica i ostvarili po tom osnovu prihod od **64.381 KM**, dok smo u periodu 01.07. – 30.11. imali ukupno 22.290 posjeta uz ostvareni prihod od **171.803 KM**. Iz ovoga se lahko da zaključiti da cijena od 10 KM nije bila prepreka da turisti posjete objekat Vijećnice.

Sarajevo je grad koji je postao ozbiljna turistička destinacija i nema smisla da cijene za naše turističke sadržaje budu daleko ispod cijena sličnih sadržaja u regionu. Sa ovim pristupom mišljenja smo da iskazujemo poštovanje prema povjerenom resursu, a niskom cijenom bismo ga sami obezvrijedili i poslali lošu poruku gostima našeg grada. Kao ilustraciju gore navedenog cijena karata za sličan objekat Kneževih dvora u Dubrovniku je 100 HRK (cca. 27 KM) za odrasle i 25 HRK za djecu.

<sup>1</sup> U toku ljeta kada je broj posjeta nekoliko puta veći nego tokom jesenjeg i zimskog perioda, angažuje se sezonska radna snaga putem studentskog servisa.



Politika JP Sarajevo doo je da otvorenost Vijećnice za socijalne osjetljive kategorije ostvarujemo kroz niže cijene karata (učenici, penzioneri, invalidi), te kroz projekte "otvorenih vrata". Tako smo u periodu od 25. do 27.08.2017. godine imali dane Dane otvorenih vrata, a koje smo organizovali u saradnji sa Kantonalnim ministarstvom kulture i sporta, kada je za tri dana Vijećnicu besplatno posjetilo preko 4500 posjetilaca.

Na kraju bismo htjeli još jednom naglasiti da usljed izrazito visokih troškova održavanja objekta Vijećnice da je više nego opravdano zadržati spomenuti nivo cijena ulaznica. Svako sniženje ulaznica dovelo bi do situacije da bi za održavanje objekta bila potrebna dodatna sredstva koja bismo morali obezbijediti iz javnih budžetskih sredstava ili drugih poslovnih aktivnosti preduzeća.

S poštovanjem

Direktor

Esad Tanović dipl.ing.el.

